

摘藻堂四庫全書薈要

子部

欽定四庫全書薈要

子部

御定淵鑑類函卷三百十

詳校官兵部主事臣雷純



欽定四庫全書薈要卷一萬一千七百五十八

子部

御定淵鑑類函卷三百十

人部六十九

薦獻
干謁

薦獻一

增說文曰薦進也

原曲禮曰士有獻於國君他日君

問之曰安取彼再拜稽首而後對 增內則曰適子庶

子祇事宗子宗婦衣服裘車馬則必獻其上而後敢
服用其次也若非所獻則不敢以入於宗子之門 又

曰家富則具二牲獻其賢者於宗子 玉藻曰凡獻於
君大夫使宰士親皆再拜稽首送之 少儀曰其以乘
壺酒束脩一犬獻人則陳酒執脩以將命

薦獻二

增左傳曰鄭穎考叔有獻於公公賜之食 又曰虞叔
有玉虞公求旃弗獻既而悔曰匹夫無罪懷璧其罪吾
焉用此以賈害也乃獻之 又曰孟獻子言於公曰臣
聞小國之免於大國也聘而獻物於是有庭實旅百朝

而獻功於是。有容貌采章。誅而薦賄。則無及也。又曰

晉敗楚於鄢陵。王召子反謀穀陽。豎獻飲於子反。子反

醉而不能見。乃宵遁。又曰子產相鄭伯。以如晉。晉侯

未之見也。子產使盍壞其館之垣。而納車馬焉。曰未知

見時不敢輸幣。亦不敢暴露其輸之則。君之府實也。非

薦陳之不敢輸也。其暴露之則恐燥溼之不時而朽蠹

以重敝邑之罪。又曰晉荀躒如周葬穆后。籍談為介。王曰諸侯皆有以鎮撫王室。晉獨無有何也。籍談對曰

諸侯之封也皆受明器於王室以鎮撫其社稷故能薦
彝器於王晉居深山王靈不及其何以獻器 又曰韓

宣子有玉環其一在鄭商宣子謁諸鄭伯子產弗與曰
吾子得玉而失諸侯必不爲也若大國令而共無藝鄭
鄙邑也亦弗爲也僑若獻玉不知所成 又曰王子朝
用成周之寶珪於河津人得諸河上陰不佞以溫人南
侵拘得玉者賣之則爲石王定而獻之與之東訾 又
曰蔡昭侯爲兩佩與兩裘以如楚獻一佩一裘於昭王

子常欲之弗與三年止之蔡人固請獻佩於子常蔡侯
歸說苑曰孔子之楚有漁者獻魚孔子不受獻魚者
曰天暑市遠賣之不售思欲棄之不若獻之君子孔子
再拜受謂弟子曰埽除將祭之弟子曰夫人將棄之今
夫子將祭之何也曰吾聞務施而不腐餘財者聖人也
今受聖人之賜可無祭乎又曰曾子衣敝衣以耕魯
君使人往致邑焉曰請以此修衣曾子不受反復而往
不受使者曰先生非求於人人則獻之奚為不受曾子

曰參聞之受人者畏人予人者驕人縱子有賜不我驕也我能勿畏乎終不受孔子聞之曰參之言是以全其節 戰國策曰張儀為秦破從連橫說楚王遺車百乘獻駭雞之犀夜光之璧於秦王 尹文子曰魏田父得玉徑尺鄰人曰山怪石也取置廡下明旦視之光射一室大怖反棄於野鄰人取獻魏王玉工曰此無價以當之五都之城僅可一觀王賜獻玉者千金長食上大夫之祿 方朔外傳曰漢東方朔從西邠國還得聲風木

十枝長九尺出甜波以進武帝以賜羣臣年百歲者此
木有疾則枝汗死則枝折此木千歲一溫萬歲一枯朔
曰臣見此枝三枯死矣 晉史曰虞嘯父武帝問卿初
不聞有所獻替對曰天時尚溫鰲音祭魚蝦鮓未可致尋
當有所獻帝大笑 鴻書曰齊武帝幸芳林園就虞棕
求味棕獻糲及雜穀數十輿大官不及也上欲求飲食
方不得後體不快棕僅獻醒酒鯖鮓一方而已 後魏
書曰郢州刺史韓務獻七寶牀象牙席詔曰昔晉武帝

焚雉頭表朕常嘉之今務所獻亦此之流也奇麗之物有乖素風可付其家

唐時大臣初拜官獻食天子名曰燒尾蘇瓌獨不進

唐書曰李絳遷戶部侍郎帝以

戶部故有獻而絳獨無有何哉荅曰臣乃爲陛下謹出納烏有羨羸哉王播爲鹽鐵使而事月進絳曰比禁天下正賦外不得有他獻而播妄名羨餘願悉付有司帝曰善訖絳在位獻不入禁中

又曰元和初魏博田季

安以五千緡助營開業佛祠崔羣以爲無名之獻不當

受有詔却之

撫言曰唐庾承宣主文後六七年方授

金紫時門生李石先於內庭恩賜矣承宣拜命之初石
以所服紫袍金魚拜獻座主唐書曰黃巢之亂張濬
稱疾挾其母走商山僖宗西出衛士食不給漢陰令李
康獻糗餌數百馱士皆厭給帝異之曰爾乃及是乎對
曰臣安知爲此張濬教臣也乃急召濬至行在再進諫
議大夫鴻書曰吳越武肅王遣使於梁太祖太祖問
王好何物使者曰好玉帶駿馬太祖曰真英雄也選玉

帶一名馬四賜之及忠懿王進寶犀帶於宋藝祖藝祖
曰朕有三條與此不同汴河一條淮河一條揚子江一
條俶大愧服 揮塵錄曰宋王薏字豐父守會稽童貫
時方用事貫苦脚氣或云楊梅仁可療是疾豐父哀五
十石以獻之後擢待制再任不歷貼職徑登次對惟豐
父一人 宋李昭玘使陝西時延安小將車吉被誣為
盜昭玘察知無他吉後立戰功至皇城使相遇京師以
名馬為獻笑却之 賈似道專政李芾文天祥陳文龍

陸達杜淵張仲徽輩小忤意輒斥趙潛輩爭獻寶玉陳
奕至以凡事其玉工陳振民以求進元巴延之取宋
而還也詔百官郊迎以勞之平章阿哈穆特先半道謁巴
延解所服玉鈎條遺之阿哈穆特謂其輕已誣以平宋時
取其玉桃盞阿哈穆特既死有獻此盞者帝愕然曰幾陷
我忠良

薦獻三

增大龜

大貝

尚書九江納錫大龜孔傳云尺二寸曰
大龜出九江水中

尚書大傳夏成五

服外薄四海南海魚草珠珍大
貝鄭注所貢物也貝古以為貨

純牛

文馬

周書成
王時西

夷貢獻卜盧純牛純牛牛之小者孔晁注曰卜盧盧之
西北戎盧水是也東觀漢記建武二十六年南單于

遣使獻駱駝二
頭文馬十足

丹砂

玄玉

周書成王時四夷來貢
卜盧人西南之蠻丹砂

所出夏成五服外薄四海主諸
靈龜陰谷玄玉康成注所貢物

白鵬

丹鵲

西京
雜記

閭越王獻高祖白鵬一雙高祖大悅厚報使者王
子年拾遺記曰塗修國獻青鳳丹鵲各一雄一雌

青石帶

白環玦

魚鮫魏畧曰漢陽嘉二年疏勒國王
獻西海青石帶帝王世紀西王母

慕舜德來獻白環
及玦并貢蓋地圖

火鼠毛

冰蠶繭

魏志景初二年
西域獻火浣布

東方朔神異經曰南荒之外有火山晝夜火燃火中有
鼠重千斤毛長二尺餘細如絲可以作布恒居火中以

水逐而沃之乃死取緝其毛織以為布拾遺記曰永蠶長十寸有鱗角以雪霜覆之然後為繭其色五彩織

為文錦入水不濡投火不燎唐堯世海人獻之以為黼黻

雩都蔗山陽梨

南康記鄧

德明曰雩都縣土壤肥沃偏宜諸蔗味及彩色餘縣所無郡人珍之每歲以獻御魏武帝昔為兗州牧上書

曰山陽郡美梨謹獻甘梨三箱

合枝李

同心梨

西京雜記葛洪曰初修上林苑羣臣

遠方各獻異果有合枝李呂光時燉煌太守宋欽獻同心之梨

吉光裘

昆吾劍

十洲記東方朔曰天漢三年西國王使獻吉光裘列子周穆王征西戎獻昆吾之劍赤刃切玉如切泥

奔盧芳苾

祖梨蔓苔

郭子橫洞冥記曰元鼎元年起招仙閣於閣上然芳苾燈此草

形如麻奔盧國來獻蔓苔色如金紫叢如雞卵

拾遺記曰晉惠帝時祖梨國貢投水中蔓延波瀾之上如火

宮人有幸者以金苔賜之置漆盤中照燭滿室名曰夜月

康人桴苾

波弋荃蘼

周書成王時康人獻桴苾者其實食之宜子孔晁注曰康人以西戎之別食芳苾即有身洞冥記曰光和元

年波祗國亦名波弋國獻神精香草一名荃蘼亦名春蕪一根而百條其枝間如竹節柔軟其皮如絲可爲布所謂春蕪布亦曰香荃堅密如氷紈也握交趾玉橘之一片滿宮皆香婦人帶之彌芳馥也

東野文瓜

楊孚異物志曰橘爲樹白華而赤實皮既馨香裏又有美味交趾有官長一人秩三

百石主歲貢御橘王逸荔枝賦曰大哉聖皇處乎中州東野貢落疏之文瓜南浦上黃甘之華橘西

戎古黃乘

大夏茲白牛

周成王時犬戎獻文馬赤鬣縹身目若金名曰古黃之乘

孔晁注犬戎西戎之遠者又犬夏獻茲白牛野獸也牛形象齒孔晁注大夏西北戎也

林邑水

玉壺

波祗青金鏡

交州雜記太康四年林邑王范能獻紫水精唾壺一口青白水精唾

壺二口山海經曰堂夜之山多水玉即水精也洞冥記曰望蟾閣上有青金鏡廣四尺元光中波祗國獻照見魑魅百鬼不敢隱形

薦獻四

增啓服

魯昭公在乾侯衛侯來獻其乘馬曰啓服

肅爽

唐成公如楚有兩肅爽馬子常欲之

弗與三年止之唐人竊馬而獻子常子常歸唐侯

龍輔

魯昭公賜公衍羔裘使獻龍輔於齊侯玉

名也

楊栢

宋樂祁使晉趙簡子飲之酒獻楊栢六十

獻曝

列子楊朱曰宋有田父暨春東

作自曝於日不知天下之有廣廈隩室綿纊狐貉顧謂其妻曰負日之暄人莫知者以獻吾君當有厚賞也

獻芹

嵇叔夜與山濤絕交書野人有快炙背美芹子者欲獻之至尊雖有區區之意亦已疎矣

原奉麋

楚樂伯射麋晉鮑葵當其後使攝叔奉麋獻焉曰以歲之非時獻禽之未至敢膳諸從者

增獻雉

魯叔孫穆子至庚宗遇婦人獻以雉齊還魯所宿庚宗之婦人獻以雉

原左牽

則

執縲左牽之

右牽

牛則執鞅馬則執鞅皆右牽之

致馬資

獻金玉曰致馬資於有司

佛鳥首

獻鳥者佛其首為其喙害人佛戾也

執以將命

獻人禽加於一雙則執一

雙以將命委其餘

受乃問名

守犬田犬則受擯者既受乃問犬名

不獻魚鼈

禮水潦降不獻魚鼈

不及車馬

父母在饋獻不及車馬

不以爲禮

生地不

不養君子不以爲禮

增不敢以聞

凡於尊者有獻而不敢以聞注不敢直言獻尊者如云贈

從者之類

原甲則奉冑

甲若有以前之則執以將命無以前之則袒素奉冑

器則

執蓋

弓則屈鞬

弓則以左手屈鞬執拊注鞬弓衣也

劍則啓櫝

劍則啓櫝

蓋襲之加夫褱與劍焉注櫝劍匣夫褱劍衣也

增進劍者左首

進戈者前

鐔

前其鐔後其刃

原獻甲者執冑

獻杖者執末

增進矛

戟者前鏃

進几杖者拂之

原獻粟者執右契

獻

米者操量鼓

獻車馬者執策綏

獻民虜者操右袂

獻熟食者操醬齊

獻田宅者操書致

居山不以

魚鼈爲禮

居澤不以鹿豕爲禮

干謁一

增集韻曰古者未有紙削竹木以書姓名故謂之刺後以紙書故謂之名紙唐李德裕爲相貴盛人務加禮改具銜候起居之狀謂之門狀 傳勝傳注曰涓人如謁者涓潔主潔除之人也 漢書曰莫爲我先注先容也 易例曰見情者獲直往則違 詩曰既見君子我心則降 又曰既見君子云何不喜 又曰既見君子爲龍爲光 禮記曰聞始見君子者辭曰某固願聞名於

將命者敵者曰某固願見罕見曰聞名亟見曰朝夕
儀禮士相見曰聞吾子稱贄敢辭

干謁二

增左傳曰子產相鄭伯以如晉曰敝邑不敢寧居來會
時事逢執事之不間而未得見又不獲聞命未知見時
論語曰陽貨欲見孔子歸孔子豚孔子時其亡也而
往拜之 孟子曰墨者夷之因徐辟而求見孟子 秦
本記曰衛鞅因景監求見孝公 史記曰平原君謂魯

仲連曰勝請爲紹介而見之於先生

謂魏新垣衍也

戰國策

曰蘇秦曰楚國之食貴於玉薪貴於桂謁者難見如鬼

王難見如帝令臣食玉炊桂因鬼見帝其可得乎 原

漢書曰魏勃欲求見齊相曹參家貧無以自通常獨早

埽齊相舍人門外舍人怪之以爲物而伺之得勃勃曰

願見相君無因故爲子埽欲以求見於是舍人見勃曹

參因以爲舍人 漢武帝舉賢良文學材力之士東方

朔上書高自稱譽上偉之令待詔公車 暴勝之爲直

指使者聞雋不疑賢至渤海遣使請與相見不疑冠進
賢冠帶櫛具劔佩環玦袞衣博帶盛服至門上謁門下
欲使解劔不疑曰劔者武備不可解吏白勝之開閣延
請衣冠甚偉勝之躡履出迎 增朱雲成帝時不復仕

常居鄠田時出乘牛車從諸生所過人敬事焉薛宣為
丞相雲往見之宣備賓主禮因留雲宿從容謂曰在田
野無事且留我東閣可以觀四方奇士雲曰小生迺欲
相吏耶宣不敢復言 後漢陳遵居長安近臣貴戚皆

貴重之牧守當之官及郡國豪傑至京師者莫不到門

王符字節信安定人度遼將軍皇甫規解官歸安定鄉人有以貨得鴈門太守者亦去職還家書刺謁規規卧不迎既入問卿前在鴈門食鴈美乎有頃白王符在門規素聞符名驚遽而起衣不及帶屣履出迎援符手而還與同坐極歡時人為之語曰徒見二千石不如一縫掖言書生道義之為貴也 趙咨字文楚東郡人靈帝時拜東海相之官道經滎陽令燉煌曹嵩咨之故孝

廉也迎路候謁咨不為留曷送至亭次望塵不及謂主簿曰趙君名重今過界不見必為天下笑即棄印綬追至東海謁咨畢辭歸家為時所重如此許劭字子將嘗到潁川多長者之遊唯不候陳寔又陳蕃喪妻還葬劭獨不往或問之曰太丘道廣廣則難周仲舉性峻峻則少通故不造也原高彪嘗從馬融欲問大義融疾不見乃覆刺遺融書曰彪望風慕教久矣故不待介者造君子之門冀得一見龍光叙腹心之願而乃養痾傲

士如此昔者周公兄父文武九命作伯以居華夏猶握
沐吐餐以接白屋之士天下歸德厯載邈矣今君不能
相見宜哉融省書大慙遣人辭謝追請徑去不還 增
禰衡字正平孔融愛其才數稱於曹操言衡欲詣操操
大喜勅門者有客便通待之極宴衡著布單衣疎巾手
持三尺棧杖坐大營門以杖捶地大罵吏白外有狂生
言語悖逆操怒謂融曰禰衡豎子孤殺之如雀鼠耳顧
此人素有虛名遠近將謂孤不能容之今送與劉表視

當何如衡臨發衆人為之祖道乃更相戒曰衡悖虐無
禮今因其後至咸當以不起折之也及衡至衆人莫肯
興衡大號衆問其故衡曰坐者為塚卧者為屍屍塚之
間能不悲乎原禰衡尚氣剛傲好矯時慢物建安初
自荊州北遊許都書一刺懷之漫滅而無所遇或問之
曰盍從陳長文司馬伯達乎衡曰卿欲使我從屠沽兒
輩耶增龐德公時諸葛亮每至德公家獨拜牀下德
公初不令止司馬德操嘗詣德公值其渡沔上先人墓

德操徑入室呼德公妻子使速作黍徐元直向云當來就我與德公談其妻子皆羅拜堂下奔走供設德公還直入不知何者是客也別傳曰劉綜欲候司馬徽先使左右問其存亡徽鋤園左右問司馬君所徽曰我是徽頭面醜陋聞者罵之曰即欲求司馬公何等田奴而稱徽更刷頭飾服而出左右叩頭謝之种拂拜苑令時南陽郡吏好因休沐遊戲市里拂出逢之必下車公謁以愧其心秦宓字子軌有與書曰貧賤困苦何可

終身宜一來與州尊相見宓荅曰僕處乎隴畝之中誦

顏氏之箴瓢詠原憲之蓬戶翱翔林澤聽玄猿之悲吟

察鶴鳴於九臯斯乃僕得志之秋何困苦之戚哉魏

時苗字德胄為壽春令蔣濟為治中苗初至謁濟濟素

嗜酒適會其醉不能見苗恚恨刻木為人書曰酒徒蔣

濟置之牆下旦夕射之王粲蔡邕見而竒之邕嘗賓

客盈座聞粲在門倒屣迎之粲至年既幼小容狀短小

一座盡驚張珩時廣平太守盧毓到官吏白承前致

版謁毓曰張先生豈版謁可飾哉但奉書致羊酒 吳

錄曰孟宗為豫章太守謂倉掾曰君昔負太守一刺寧

識之否掾曰不識宗曰吾昔家貧親老為官資運以刺

詣君感見發遣何乃久屈耶 吳虞翻年十三客有候

其兄者不過翻翻與書曰琥珀不取腐芥磁石不受曲

鍼過而不存不亦宜乎客竒之 晉劉麟之字子驥尚

質素車騎將軍桓沖聞名辟為長史固辭沖嘗到其家

麟之於樹條桑使者致命麟之曰使君既枉駕光臨宜

先詣家君沖愧詣其父 晉書曰桓溫謀不軌郗超為

之謀主謝安嘗與王文度共詣郗超日旰未得前文度
便欲去安曰不能為性命忍俄頃耶其權重當時如此

又曰宋纖沈靜不與世交隱居南山太守楊公畫其
像於閣上出入視之酒泉太守馬岌具威儀造焉不見
岌歎曰吾今知先生人中之龍也 謝遏夏日嘗仰卧

謝公清晨卒來不暇衣冠出屋外方躡履問訊公曰汝
可謂前倨而後恭 王導子恬性傲誕不拘禮法謝萬

嘗詣恬既坐少頃恬便入內萬以為必厚待已殊有喜
色恬久之乃沐頭被髮而出據胡牀於庭中矐髮神氣
傲邁竟無賓主之禮萬悵然而還 桓玄嘗詣王忱通
人未出乘輦直進忱對立便鞭門幹玄怒去之忱亦不
留 范汪字汝平初為桓溫安西長史溫征蜀還復署
為長史江州刺史皆不就自請還朝求為東陽太守溫
甚恨之後為安北將軍溫北伐汪以失期免為庶人汪
屏居吳郡後至姑孰見溫時方起屈滯以傾朝廷謂汪

詣已傾身引望曰范公來可作太常耶汪至溫謝其遠
來意汪實來造溫恐以趨時致損乃曰亡兒瘞此來視
之溫殊失望而止 宋關康之隱居南昌顏延之等候
見散髮被黃布帕席松葉枕白石一塊而卧了不相盼
延之等咨嗟而退不敢干也 齊張融欲詣吏部尚書
何戢誤通尚書劉澄下車入門乃曰非是至戶望澄又
曰非是既造席視澄曰都自非是乃去 梁陸倕傳曰
任昉爲中丞簪裾輻輳預其宴者號爲龍門遊 何思

澄天監間敕徐勉舉學士入華林撰通略勉舉思澄顧
協劉杳王子雲鍾嶼等五人以應選思澄重交結分書
與諸賓朋校定而終日造謁每宿昔作名刺一束曉便
命駕朝賢無不悉狎狎處即命食有人方之婁護欣然
當之投晚還家所齎名刺必盡後魏任城王澄子順
為給事中時尚書高肇帝舅權重天下順曾懷刺詣肇
門門者以其年少荅云在坐大有客不肯為通順叱之
曰任城王兒可是賤也及見直往登牀捧手抗禮羣公

先達莫不怪懼而順辭吐傲然若無所覩肇謂衆曰此
兒豪氣尚爾況其父乎澄聞之大怒杖頰數十北齊

李元忠初神武東出元忠乘露車載素箏濁酒奉迎神
武聞其酒客未即見之元忠下車獨酌擘脯食之謂門
者曰本言公招延賢雋今國士到門不能吐哺輟洗其
人可知還吾刺勿復通門者以告神武遽見之引入觴
再行元忠上車取箏鼓之長歌慷慨謂神武曰天下形
勢可見明公猶欲事爾朱乎神武曰富貴皆由他安敢

不盡節元忠曰非英雄也因進縱橫之策深見喜納

魏愷自散騎常侍遷青州刺史固辭文宣怒由是積年

沈廢後遇楊愔於路自陳愔曰咸由中旨愷曰雖復零

雨自天終待雲興四嶽愔欣然數日除霍州刺史齊

盧思道欲詣和士開恐爲人所見乃未明而行比至其

門立者衆矣盧駐轡望之曰彼何人森然與槐柳齊列

因鞭馬疾去唐高士廉備禮請見朱桃椎與之語不

荅瞪目而去士廉再拜曰祭酒其使我以無事治蜀耶

乃簡條目州遂大治 王績字無功絳州人刺史崔喜

請見荅曰奈何坐致嚴君平耶卒不詣杜之松故人也

為刺史請績講禮荅曰吾不揖讓邦君門談糟粕棄醇
醪也 唐書曰宋璟遷左臺御史中丞劾二張下獄后

俄詔原之勅二張詣璟謝璟不見曰公事公言之若私
見法無私也顧左右歎曰吾悔不先碎豎子首而令亂
國經 又曰明皇欲相崔隱甫謂曰牛仙客可與語卿
嘗見否對曰未也帝曰可見之隱甫終不詣他日又問

對如初帝乃不用隱甫所至潔介自守以彊正稱 又
曰陸龜蒙至饒州三日無所詣刺史蔡京率官屬就見
龜蒙不樂拂衣去 甫里先生傳曰陸龜蒙性不喜與
俗人交雖詣門不得見也不置車馬不務慶弔内外姻
黨伏臘喪祭未嘗及時往或寒暑得中體佳無事時則
乘小舟設蓬席費一束書茶竈筆牀釣具櫂船郎而已
所詣小不會意徑還不留雖水禽決去山鹿駭走之不
若 李白開元中謁宰相封一板上題曰海上釣鰲客

李白相問曰先生臨滄海釣巨鰲以何物爲釣絲曰以
風浪逸其情以乾坤縱其志以虹霓爲絲明月爲鈎問
何物爲餌曰以天下無義氣丈夫爲餌時相竦然韋
貫之爲長安丞或薦之京兆尹李實實舉笏示所記曰
此其姓名也與我同里素聞其賢願識之而進於上或
告曰子今日詣實明日賀者至矣貫之唯唯不往韓
愈王仲舒碑曰仲舒家江南讀書著文其譽藹鬱當時
名公皆折官位輩行願爲交詩話曰唐韓愈皇甫湜

一代龍門牛僧孺攜所業謁之其首篇說樂即捲未嘗
開問曰且以拍板為甚麼曰樂句二公大稱賞因此名
振又曰唐牛僧孺赴舉之秋嘗投贄於劉補闕禹錫
對客展卷飛筆塗竄其文厯二十餘歲劉轉汝州牛出
鎮漢南枉道汝州駐旌信宿酒酣賦詩劉方悟往年改
公文卷牛詩曰粉署為郎四十春今來名輩更無人休
論世上升沉事且闔尊前見在身珠玉會應成咳唾山
川猶覺露精神莫嫌恃酒輕言語曾把文章謁後塵劉

和云昔年曾作漢朝臣晚歲空餘老病身初見相如成
賦日後為丞相埽門人追思往事咨嗟久幸喜清光笑
語頻猶有當時舊冠劍待公三日拂埃塵牛吟和詩前
意稍解曰三日之事何敢當焉宰相三朝後主印可以
升降百司也於是移宴竟夕方整前驅劉乃戒其子曰
吾成人之志豈料為非汝輩進修守中為上令狐峘
為吉州刺史時齊映觀察江西按部及州峘輕映後出
至迎謁頗怏怏從容步進不抹首屬戎器映以為恨摘

岷事貶衢州司馬

五代唐趙鳳與于嶠俱在翰林相

善鳳後為相嶠以本名出鳳上而不用數非斥時政尤
訛鳳鳳銜之因事左遷嶠秘書少監嶠因醉往見鳳鳳
知其必不遜辭以沐髮嶠詬直吏又溺於從者直廬而
去吏白嶠溺於客次且詬鳳鳳奏聞明宗奪嶠官長流
湘山野錄曰王沂公曾為布衣時以所業贄呂文穆
蒙正中有早梅詩其警句云雪中未論和羹事且向百
花頭上開文穆曰此生次第已安排作狀元了做宰相

矣已而果然 宋御史中丞孫抃薦吳中復為監察御史初不相識或問之抃曰昔人恥為呈身御史今豈有識面臺官耶 名臣遺事曰宋諫議大夫張師德謁向文簡敏中曰師德兩詣王相公門皆不得見恐為人輕毀望公從容明之一日方議知制誥公曰可惜張師德向公曰何謂公曰累於上前說張師德名家子有士行不意兩及吾門狀元及第榮進素定但當靜以待之耳若奔競使無階而進者當何如也向公方以師德之意

啓之公曰某處安得有人敢輕毀人但師德後進待我淺也向公自稱師德適有闕望公弗遺公曰第緩之使師德知聊以戒貪進警薄俗也 范仲淹在睢陽掌學

有孫秀才者索遊上謁文正贈錢一千明年孫生復謁文正又贈一千因問何為汲汲於道路孫生戚然動色曰母老無以養若日得百錢則甘旨足矣文正曰吾觀子辭色非乞客也吾今補子為學職月可得三千以供養子能安於學乎孫生大喜於是授以春秋後十年有

孫明復先生以春秋授學者道德高邁朝廷召至乃肯
日索遊孫秀才也 李垂為知州還朝李康伯謂曰子

文學議論稱於天下諸公擬用知制誥但宰相未嘗相
識盍往見之垂曰若我昔謁丁崖州乾興初已為翰林
學士矣焉能趨炎附熱看人眉睫以冀推挽乎出知均
州 蔡文忠公齊大中祥符登進士第為狀元山東人
賈同亦名士也與公同州部累往謁公值公飲酣不得
見賈乃留詩一絕云聖君寵厚龍頭選慈母恩深鶴髮

隨君寵母慈俱未報酒如為患悔何追公因此戒酒

紀聞曰宰相自唐以來謂之禮絕百寮見者無長幼皆拜宰相平立少垂手扶之送客未嘗下階客坐稍久則吏從旁喝相公尊重客踧踖起退及富鄭公為相雖微官布衣謁見皆與之抗禮送之及門視其上馬乃還自是羣公稍效之張載少喜談兵欲結客取洮西之地年二十一以書謁范仲淹警之曰儒者自有名教可樂何事於兵因勸讀中庸謝顯道云明道先生坐如泥

塑人及至接人則渾是一團和氣 程氏遺書曰宋程

頤與韓持國范夷叟泛舟有一官上書謁大資程曰大
資居位却不求人過人倒來求已是甚道理夷叟曰求
薦舉常事也程曰不然只為曾有不求者不與來求者
與之遂致人如此持國便服 邵康節先生墓誌曰康
節居洛士人之道洛者有不入公府而必之先生之廬
李周登進士通判施州神宗以近臣孫固薦召對謂
曰知卿不游權臣識今執政乎對曰不識也翼日語固

曰李周樸忠之士也 童蒙訓曰宋滎陽公呂希哲自

少官守處未嘗干人舉薦以為後生之戒仲父舜從守
官會稽或議其不求知曰勤於執事乃所以求知也

聞見錄曰宋文彥博判北京有汪輔之者新除運判為
人辨急初入謁潞公方坐廳事閱謁刺置案上不問入
宅久之乃出輔之已不堪既見公禮之甚簡謂曰家人
頃令沐髮忘見運判勿訝輔之沮甚舊例監司至之三
日府必作會公故罷之輔之移文定日檢按府庫通判

以次白公公不荅是日内外事並不許通輔之坐都廳
吏白侍中家宴匙鑰不可請輔之怒破架閣庫鎖亦無
從檢按也密劾潞公不治神宗批輔之所上奏付潞公
有云侍中舊德故煩卧護北門細事不必勞心輔之小
臣敢爾無禮將別有處置之語潞公得之不言一日會
監司曰老謬無治狀幸諸君寬之監司皆愧謝因出御
批以示輔之輔之皇恐逃歸託按部以出未幾輔之罷
元豐間文彥博以太尉留守西京未交印先就第廳

坐見監司府官唐介參政之子義問為轉運判官退謂
其客尹煥曰先公為臺官嘗言潞公今豈挾以為恨耶
某當避之煥曰潞公所為必有理姑聽之明日公交府
事以次見監司府官如常儀或以問公公曰吾未視府
事三公見庶僚也既交印河南知府見監司矣義問聞
之復謂煥曰微君殆有失於潞公也 蘇軾在黃州邀
一隱士相見但視傳舍不言而去坡曰豈非以身世為
傳舍耶 熙寧中詔近臣舉御史舉者意屬王巖叟而

未及識或謂可一往見笑曰是所謂呈身御史也卒不見
神宗嘗對章惇稱張安道之美問惇識否惇退以
告呂惠卿惠卿明日與安道同行入朝告以上語且曰
行當大用矣安道縮鼻不對其夕安道適與客坐惇呵
引到門謁入安道便謝曰素不相識不敢受謁惇慙忤
而退章惇嘗事邵康節及為相欲用康節子伯溫伯
溫曰豈不欲見先公於地下耶到則先就部擬官而後
見宰相龔夬弟大壯少有重名清介自立從兄官河

陽曾布欲見之不可得乃往謁夫邀之出從容竟日題

壁間有得見兩龔之語 李朴自為教授天下高其名

蔡京俾所厚道意許以禁從拒之中書侍郎馮熙載欲
邂逅見朴笑曰不能見蔡京焉能邂逅馮熙載耶 獻

徵錄曰明李承芳登進士李西涯謂之曰子盍與錢與
謙謁閣老徐先生乎承芳曰吾恐張師德見薄於王旦
矣廷試榜出與謙及第承芳列名同進士出身拜大理
評事 又曰明許應元嘉靖壬辰舉進士執政者知公

欲一見應元不往曰吾始仕也而當偃僂鼎貴之門冒
謁于進哉 明詞林人物考曰李淑字師孟嘉靖庚戌
進士始淑之奏南宮捷也相嚴嵩曰聞楚有才士李某
者吾鄉人也能一見我乎公逡巡謝弗肯往以故當射
策夏太宰邦謨奇而薦之鼎甲嵩固下之 又曰陶大
臨字虞臣嘉靖丙辰廷試第二人授翰林院編修故相
嚴嵩耳公名欲致之門下數遣其子世蕃候之陶戒門
者以他出應之第一刺報而已 獻徵錄曰明隆慶時

劉涖試南宮下第大學士李公得其遺卷心竒之欲致
一見不可曰落第書生豈可自呈身相門耶張居正欲
致之東閣亦拒不相見

干謁三

原相府

卿門

范睢為須賈御入相府曰我為君先通相君宋公子鮑無日不數於六卿之

書刺

奏刺

漢高帝紀有謁者自書刺以言爵里若今之通名也下詳干謁二夏侯

淵事

增題鳳

登龍

嵇康與呂安善每一相思千里命駕後來值康不在嵇喜出戶延之

不入題門上作鳳字而去喜不覺猶以為欣鳳字凡鳥也王維詩到門不敢題凡鳥看竹何須問主人李膺

以聲名自高士有被其容接名為登龍門

御李

識荆

荀爽嘗就謁李膺因為其御既還喜

曰今日乃得御李君矣

李白與韓朝宗書曰生不願封萬戶侯但願一識韓荆州

依劉

仰

韓

王粲在荊州嘗依劉表

韓

倒屣

擁篲

上詳干謁二蔡

邕事

魏文侯擁篲迎朋友握手歡如平生又史記鄒衍適燕昭王擁篲先驅請列弟子之座而受業又漢太

公擁篲又莊子曰操袂篲以待門庭

摠衣

曳裾

曲禮曰毋踏席摠衣趨隅必慎唯諾鄒

陽曰何王之門不可曳長裾乎

原激張儀

奇彭義

張儀謁蘇秦秦戒門下不為通

又不得放去數日方見之坐於堂下以激儀也

蜀彭

義見龐統統非義故舊又有賓客徑上統牀卧曰須賓客罷與卿談賓罷請

增揖侍郎

參留守

韓愈寄崔立之詩升

階揖侍郎歸舍日未歇又贈盧仝詩玉川先生洛城
東杜門不出動一紀勸參留守謁大尹言語纔及輒掩

耳

德星聚

高軒過

上詳干謁二陳太丘事
下詳干謁五李賀詩

坐上

春風

門外積雪

侯師聖云朱公揆見明道於汝歸謂
人曰光庭在春風中坐了一箇月

游定夫楊龜山初見伊川瞑目而坐二子侍立既覺顧
謂曰賢輩固在此乎日既晚且休矣及出門門外之雪

深一尺

原來非慕義

見以託名

步騰字子山與銜旌
種瓜自給夜誦經傳

會稽焦征羌豪縱二子懼為所侵乃共修刺奉爪謁征
羌不時通旌欲去騰曰畏之而來非慕義也屈何傷乎

後漢趙壹字元叔為郡計吏到京師造河南尹羊陟
不得見壹以非陟無託名者乃日到門陟許通尚卧未

起徑入上堂曰竊伏西州承高風久矣乃今方遇而忽
然奈何命也因舉聲哭陟知非常人乃起延語大奇之

不顧太守

遽迎縫掖

趙壹為羊陟所稱名動京師西還過弘農候太守皇甫規

門者不即通壹遂逾規知是壹大驚追之壹不顧而去

下詳干謁二王符事

增一葉濃陰

一株桃李

鄭大穆書于于頔云分十樹一葉之影即是濃陰減四海穀滴之泉便為膏澤談

藝王冷然上裴耀卿書曰拾遺補闕寧有種乎僕不佞亦相公一株之桃李也

原未嘗修刺

不肯受索

後漢井丹字大春博學故京師語曰五經紛綸井大春性清高未嘗修刺候人梁松

請丹不肯見後遂隱遁蕭望之王仲翁俱欲謁見霍光光自上官桀事後出入自備士當見者皆露索去刀兵兩吏挾持望之獨不肯受索

增行闔者杖遺闔

者纁

上裴之禮事詳下顏氏家訓士時京兆尹有故候炎累日不得見乃遺闔者三

百縑炎妻劉知之曰豈有京尹願一見遺以三百縑其他可知也乃勸炎避位

原不避寒暑

不師道德

張湯造請諸公不避寒暑朱博馳騁進取不師道德

增將軍肯臨

子高左顧

田蚡傳曰將軍乃幸肯臨況魏其淮南憲王傳曰子高乃幸左顧注猶言枉顧

不耐造請

不行報謝

張敷曰臣性不耐造請禹傳曰公卿相造請禹終不

行報謝

方進徑入

諸葛間閣

前漢翟方進內謁徑入注猶今之通名也又

云本傳曰間何閣達諸葛

載刺盈車

書午在門

本傳曰郭林宗名益顯士爭歸

之載刺常盈車

遯齋編曰李安義者謁富人鄭生辭以出安義於門上大書午字而去或問其故曰牛不出

頭耳此亦昔人題鳳之意

倒執手版

盡投苦海

王坦之見桓溫流汗沾衣倒執

手版 撫言曰鄭光業有一巨皮箱
凡投贊有可唾者即投其中號苦海

顏氏家訓 溫

公客榜

顏氏家訓曰昔者周公一沐三握髮一飯三吐

哺以接白屋之士一日所見七十餘人晉文公
以沐辭豎頭須致有圖反之誚門不停賓為所貴也失
教之家閭寺無禮或以主君寢食嗔怒拒客未通江南
深以為恥黃門侍郎裴之禮好敬賓客或有此輩對賓
杖之僮僕引接周旋俯仰莫不肅敬與主無別司馬
溫公作相日親書榜揭於客位曰訪及諸君若親朝政
闕遺庶民疾苦欲進忠言者請以奏牘聞於朝廷光得
與同僚商議擇可行者進呈候旨行之若但以私書寵
喻終無所益若光身有過失欲賜規正即以通持書簡
分付吏人令傳入光得內自省訟佩服終身至於整會
官職差遣前雪罪名凡千身計並請一面進狀光得與
朝廷眾官公議施行若在第
垂訪不請語及某再拜謹白

蚍蟻之援 蟄蟲之

化韓昌黎題張中丞傳後外無蚍蜉蟻子之援劉賓客集譬諸蟄蟲坯戶而死者與木槁死亦無以異矣春雷一震必欣然翹首與生為徒況有吹律者名東風以薰之其化也益速

申叔乞糧

魯公乞米

左傳吳申叔儀乞糧於魯公孫有山氏曰佩玉慈兮余無所繫之旨酒一盛兮余與褐之

父晚之對曰梁則無矣粗則有之若登首山以呼曰庚癸乎則諾顏魯公乞米帖云拙於生業舉家食粥而已數月今又罄矣實用憂煎詩曰日典春衣非為酒舉家食粥已多時

飢彪餓麟攀

驥仰鵬

宋史檀珪求祿不得與王僧虔書曰書牘一陳遂不荷潤蟬腹龜腸為日已久飢彪能嚇人遽

與肉餓麟不噬誰為落毛駱賓王文攀驥逸而無由仰鵬飛而自失

三百名利奴

千重鐵甲顏

盧杞與馮盛遇於道各攜一囊杞發盛囊有墨一九杞大笑盛正色曰天峰煤和針

魚腦入金谿子手中錄離騷古本比公日提綾文刺三百為名利奴顧當孰勝己而披杞囊果是三百刺唐進士楊光遠遊謁王公之門干索權要之族未嘗自足稍有不便多誹謗常遭撻辱畧無改悔皆云楊光遠顏厚如千重鐵甲

天下善士願見

鄉貢進士通名

韓墓志曰王適

聞李將軍喜士乃踏門曰天下善士王適願見將軍白事金樓子有舉子能為詩每通名刺稱鄉貢進士黃居難字樂地欲自比白居易字樂天也

宋廣平投梅花賦

白樂天披

芳草詩

劉禹錫上權舍人書昔宋廣平之沈下僚也蘇

蘇盛稱之自是乃列於文人之目白樂天未冠以文謁顧况况親姓名熟視曰長安米貴居大不易乃披卷讀其芳草詩野火燒不盡春風吹又生歎曰吾謂斯文遂絕今復得子矣前言戲之耳

干謁四

增典謁

禮問士之子長曰能典謁矣主賓客謁見之事

將命

論語孺悲欲見孔子將命者出

戶

寺人

詩未見君子寺人之令

闍人

韓文足三及門而闍人辭焉

七介

禮諸侯七介以相見也

三擯

又卿為上擯大夫為紹擯為承擯士為紹擯

上謁

張耳傳耳餘上

謁

原先容

唐張行成傳曰古今用人必因某介若無成者無先容也

增無津

陶侃

傳范達謂侃曰欲仕郡乎曰困於無津

無依

文選貧士詩萬族各有託孤雲獨無依

願

有謁

漢書願有謁也

恥干謁

少陵詩獨恥事干謁

垂採摘

王維詩幸堪調鼎用

採摘願君垂

可攀援

昌黎送進士劉師服詩時節不可說親交可攀援

願望履

幕

莊子願望
履幕下

願枉車騎

信陵君傳侯生謂公子曰臣
有客在市屠中願枉車騎過

之

承顏下風

陸士
龍詩

曠若見日

東漢袁紹傳曠若開
雲見日何喜如之

侯門掉臂

邵康節詩侯門見說深
如海三十年来掉臂行

朱門隨肩

杜詩
公卿

朱門未開鎖我
曹已到肩相隨

暗投先容

鄒陽書明月之珠夜光之
璧以暗投人於道莫不按

劍相盼者何則無因而至前也蟠木根柢輪
囷離奇而為萬乘器者以左右為之先容也

伺候奔

走

韓愈送李愿序伺候於公卿之門奔走於
形勢之塗足將進而趨趨口將言而囁嚅

有叩我

門

杜詩有客叩我
門繫馬門前柳

肯訪老翁

又詩肯訪浣花老翁
無與奴白飯馬青刍

雨師未知

李寓菴詩丘園有
枯槁未必雨師知

波臣求活

莊子莊周家
貧往貸粟於

監河侯監河侯曰諾我將得邑金將貸子可乎莊周曰
周昨來有中道而呼者顧視車轍中有鮒魚焉曰我東
海之波臣也君豈有升斗之水而活我哉周曰諾我且
南遊吳越之王激西江之水以迎子可乎鮒魚忽然作
色曰吾得斗升之水猶活耳君乃
言此曾不如索我於枯魚之肆
未忘燃灰
唐羅隱
詩宣室
夜間如有問可
誰為乞火
杜牧之詩自愧埽
能全忘未燃灰
門士誰為乞火人
籠中

藥石

唐史元澹博學及進士第累遷通事舍人狄仁傑
器之嘗謂仁傑曰譬富家儲積以自資也願以小

人備一藥石可乎仁傑
笑曰君正吾藥籠中物

朽出茵芝

蘇軾詩枯朽
猶能出茵芝

遊

神奔競

嘉祐中未有謁禁士人爭馳騖請託有一人
號望火馬又一人號日遊神言日有奔競

鉛刀一割

晉書譙王承曰公未見
知耳鉛刀豈無一割

廣廈萬間

杜甫
屋為秋

風所破歌安得廣厦千萬間大庇天下寒士俱歡顏風雨不動安如山

歸鳥赴林

曹子建贈

白馬王彪詩歸鳥赴喬林翩翩屬飛翼

飛燕巢屋

古詩願為雙飛燕銜泥巢君屋

連

城高山

唐文粹曰連城之珍俟楚文而後發

入州出谷

又曰

入州無為言之侶
出谷罕求聲之援

施陽援溺

又曰施一陽於剝極之餘援衆溺於坎深之下

拯蹈醫疾

又曰蹈者思起必噉而求拯疾者思愈必呻而求醫

求出願濯

杜牧

之文墜井者求出執熱者願濯

相薦自謀

杜荀鶴詩相知不

舊知

為學

鄭谷感懷投時相詩丞相舊知為學苦更教何處貢篇章

應念下寮

羅隱詩遺簪墜

珥應留念門客
如今只下寮

迹雖阻於登龍

心竊希於附驥

勉驢技之一鳴 希馬價之三倍 敢憑端木之先容

輒效錐囊之自薦 雖寒菊自芳於籬下 而苦李

誰念於道旁 幸侍下風聞欬唾之音莊子 伏拜賓阼

通爵里之刺魏志 祁公用則所舉必名世流 司馬出

則其徒有行道志 傳和凝之衣鉢殊愧前修 脩狄

相之參苓願從今始 向來辦香之敬直為南豐 此

去翹材之延願陪東閣 三吐哺而下白屋昔者見之

一舉手而轉清波今其時矣 月明繞樹自憐烏鵲

之何依 海上問津或謂斗牛之可訪 牛鐸至微荀
令君取以調樂 爨桐無用蔡中郎識其中琴 叩角
而歌白石聊假此以干齋 築臺而識黃金猶庶幾於
始隗 說項斯之詩於到處幸已不遺 吹揚雄之賦
以上天更期有遇 所求易與巢林之鷦不過一枝
安敢負知伏櫪之驥猶思千里 文穆取人才多夾袋
之所蓄 元獻待寒士至樽酒以相歡 月華先得莫
如近水之樓臺 雲厦不棲更傍誰家之門戶 蟠木

為萬乘之器必資根柢之容 祥金躍大冶之爐敢作
鑄鄒之想 效王巖叟之為客誓不出於他門 持陳
師道之辨香期力酬於知己

干謁五

增詩唐孟浩然詩曰鄉曲無知己朝端乏親故依誰為
揚雄一薦甘泉賦 韋應物訪李廓不遇詩曰九日馳
驅一日閒尋君不見又空還怪來詩思清人骨門對寒
流雪滿山 韓愈詩曰大匠無棄材尋尺容有施況當

營都邑杞梓用不疑 又詩曰齷齪當世士所憂在飢

寒願辱太守薦得充諫諍官排雲叫閭闔披腹呈琅玕

致君豈無術自進誠獨難 李賀年七歲以長短之製

名聞京華時韓愈與皇甫湜覽賀作奇之因連騎造門

求見賀總角荷衣而出二公不之信因令面賦一篇賀

承命欣然操觚染翰旁若無人名所作曰高軒過二公

大驚詩曰華裾織翠青如蔥金環壓轡搖玲瓏馬蹄隱

耳聲隆隆入門下馬氣如虹云是東京才子文章鉅公

二十八宿羅心胷元精耿耿貫當中殿前作賦聲摩空
筆補造化天無功龐眉書客感秋蓬誰知死草生華風
我今垂翅附冥鴻他日不羞蛇作龍 劉長卿詩曰鐵
衣雖正澀寶刀猶可試儻遇拂拭恩應知轉犀利 溫
庭筠詩曰折簡能榮瘁遺簪莫棄捐韶光如見借寒谷
變風煙 杜牧詩曰常思掄羣才以為國家治譬如匠
見木礪眼皆不棄楣榼與棟梁施之皆有位忽然植明
堂一揮能力致 李商隱為彭陽公令狐楚從事彭陽

之子絢繼有韋平之拜惡商隱從鄭亞之辟以為忘家
恩疎之重陽日謁令狐絢不見商隱留詩於其廳事絢
見之乃補太學博士尋為東川柳仲郢判官罷歸客滎
陽卒詩曰曾共山公把酒卮霜天白菊正離披十年泉
下無消息九日尊前有所思不學漢臣栽苜蓿空教楚
客詠江蘺郎君官貴施行馬東閣無因再得窺 李吉
甫之父微時以一絕投維揚都護宋甄大夫宋殊無意
李後生吉甫吉甫節判青州有舉子吳武陵詣府投獻

並不禮之武陵遂書前詩以獻吉甫厚賂之請為寢默

詩曰十處投人九處違家鄉無里又空歸嚴霜昨夜侵

人骨誰念高堂未授衣 宋呂蒙正少貧訪謁不遇詩

曰十謁朱門九不開滿頭風雪却回來歸家羞覩妻兒

面撥盡寒爐一夜灰 范彥能贈張徐州謾詩曰田家

採樵去薄暮方來歸遠聞稚子說有客歎柴扉僂從昔

珠玉裘馬悉輕肥軒蓋照墟落傳瑞生光輝疑是徐方

牧既是復疑非思舊昔言有此道今已微物情棄疵賤

何獨顧衡闈恨不共雞黍得與故人揮懷情徒草草淚
下空霏霏寄書雲間鴈為我西北飛 程曉嘲熱客詩
曰長夏三伏時道里無行車閉門避暑卧出入不相過
只今襌襪子觸熱到人家主人聞客來頓覺奈此何搖
扇臂中疼流汗正滂沱傳戒諸高明熱行宜見呵 梅
堯臣歐陽永叔王原叔二翰林韓子華吳長文二舍人
同過敝廬值出不及見詩曰枯竹為門扉不可容車騎
况如鄭廣文無擅藉賓位窮冬月破七貴客聯玉轡傳

騶繡里閭下榻呼童稚問我何所往共留牆上字兒愚
不知誰金章言照地既屈卿大夫恨莫親帚簞星躔回
已高麟趾寧復致戢戢鄰巷居相見竊自喟豈料瘦老
翁能令賢達至昔時蓬蒿徑安有此盛事 司馬光閣

吏詩曰弊車羸馬犯塵泥愁到朱門徧徧辭相國舍人
雖驟見將軍馬監豈相知因循歲月勞何補顛倒風埃
辱固宜惆悵東岡舊坡在素心空負白雲期 李清臣
韓魏公知中山求謁其值吏報曰太祝方寢清臣因題

詩於壁魏公見之曰吾知此人有才竟有東牀之選詩
曰公子乘閒卧絳厨白衣老吏慢寒儒不知夢見周公
否曾說當年吐哺無蘇軾嘉祐中陳希亮知鳳翔府
軾初擢制科簽書判官事或謁入不得見客次假寐詩
曰謁入不得去兀坐如枯株豈惟主忘客今吾亦忘吾
同僚不解事愠色見髯鬚雖無性命憂且復忍斯須
劉彥中袖刺詩曰袖刺謁諸鄰徘徊寄心賞潭潭廣厦
深咳唾生餘響茲邦懷地寶比屋誇雄敞何如蓬廬士

貧賤安所養

魏野尋隱者不遇詩曰尋真誤入蓬萊

島香風不動松花老採枝何處未歸來白雲滿地無人

埽又喜孫狀元訪詩曰道同志貴賤陋巷每來看相

見唯呼字留題不著官狂吟無所忌靜話有餘歡却恨

歸公署茅齋會宿難又謝寇相公相訪詩二首曰晝

睡方濃向竹齋柴門日午尚慵開驚回一覺遊仙夢村

巷傳呼宰相來中書兩入寇尚書出鎮雄藩半載餘棠

樹陰中無訟聽閒騎白馬到茅廬張耒謁客詩曰入

門投謁吏翩翩我非欲見禮則然異哉賓主兩無語客

起疾走如避然我已不恭愧昔賢忍使塗炭朝衣冠人

生暫聚鴻集川春風吹飛何後先 唐平曾謁華州李

相不過詩曰老夫三日門前立珠箔銀屏畫不開詩卷

却拋書袋裏正如閒看華山來 劉魯風投謁所知為

典謁所阻因賦詩曰萬卷書生劉魯風烟波萬里訪文

翁無錢乞與韓知客名紙毛生不為通 李觀初為太

學官因上言新法不便出通判處州題詩曰十謁朱門

九不開利名淵藪日徘徊自知不是公侯骨夜夜江山
入夢來 楊萬里人日詰朝從昌英叔出謁詩曰四序
各自佳要不如春時何必花與柳始愛春物熙今晨駕
言出從公南山西泥軟屨自慙風嫩面不知寒草動暖
芽晴山餘雨姿水日亦相媚蹙紋生碎暉鳥聲豈為我
我聽偶自怡出門初憚煩載塗乃忘歸但令我意適豈
校出處為路人見我揖屬我有所思我不見其面信口
聊應之徐語恐忤物欲謝已莫追我率或似傲彼愠獨

得辭 江南處士朱真白善嘲詠嘗謁一貴人不禮廳
事有格子屏風真白題詩曰道格何曾格言糊又不糊
渾身都是眼還解識人無 明王廷陳送唐生詩曰仗
策欲誰親侯門不重賓空彈馮氏鋏莫濟范曄貧王露
凋紅樹金風起白蘋蕭蕭南去鴈飄泊自為羣

增文唐駱賓王詩曰倘能分其斗水濟濡沫之枯鱗惠
以餘光照孀棲之寒女便伏櫪駕蹇希騏驥而蹠足竄
跡翩翩排鴛鴦而刷羽 又曰奮短翮於搶榆希高標

之餘拂濯鮮鱗於涓滴望瀉浪之微沾所冀顧盼曲流
剪拂增價則鉛刀起一割之用跛鼈致千里之行 又
曰魯澤祥麟希妄質於宣父吳坡逸驥寔長鳴於孫陽
所貴在乎見知所屈伸乎知己

增書漢東方朔與公孫弘書曰爵祿不相責以禮同類
之遊不以遠近為初故東門先生居蓬戶空穴之中魏
公子以百騎造之大丈夫相知何必接塵而遊垂髮齊
年哉 唐李白與韓荊州朝宗書曰今天下以君侯為

文章之司命人物之權衡一經品題便作佳士而今君
侯何惜階前盈尺之地不使白揚眉吐氣激昂青雲耶
韓愈與邢尚書書曰布衣之士身居窮約不借勢於
王公大人則無以成其志又為人求薦書曰某聞木
在山馬在肆遇之而不顧者雖日累千萬人未為不材
與下乘也及至匠石過之而不睨伯樂遇之而不顧然
後知其非棟梁之才超逸之足也以某在公之宇下非
一日是生於匠石之園而長於伯樂之廐者也於是而

不得知假有見知者千萬人亦何足云昔人有馬不售
於市者知伯樂之善相也從而求之伯樂一顧價增三
倍某與其事頗相類是故終始言之耳 又上李侍郎
書曰愈應舉覓官凡二十年矣薄命不幸動遭讒謗進
寸退尺卒無所成惟是鄙鈍不通曉於時事學成而道
益窮年老而智益困私自憐悼悔其初心髮禿齒豁不
見知己夫牛角之歌辭鄙而義拙堂下之言不書於傳
記齊桓舉以相國叔向攜手以上然則非言之難為聽

而識者難遇也 又上宰相書曰今有人生二十八年
矣名不著於農工商賈之版其業則讀書著文居窮守
約亦時有感激怨懟竒怪之辭以求知於天下四舉於
禮部乃一得三選於吏部卒無成九品之位其可望一
畝之宮其可懷遑遑乎四海無所歸恤恤乎飢不得食
寒不得衣濱於死而益固得其所者爭笑之伏念今有
仁人在上位若不往告之而遂行是果於自棄而不以
古之君子之道待我相也其可乎寧往告焉若不得志

則命也其亦行矣 又上宰相書曰今天下一君四海
一國舍乎此則去父母之邦矣故士之行道者不得志
則山林而已矣山林者士之所獨善自養而不憂天下
者之所能安也如有憂天下之心則不能矣故愈每自
進而不知愧焉書亟上足數及門而不知止焉寧獨如
此而已惴惴焉惟不得出大賢之門下是懼亦惟少垂
察焉 又代張籍與李中丞書曰籍善為詩使其心不
以憂衣食亂閣下無事時一致之座側使跪進其所有

閣下憑几而聽之未必不如聽吹竹彈絲敲金擊石也
又應科舉與人書曰天池之濱大江之濱有怪物焉
蓋非常鱗凡介之品彙匹儔也其得水變化風雨上下
於天不難也其不及水蓋尋常尺寸之間耳其窮涸不
能自致乎水為獷獺之笑者蓋什八九矣如有力者哀
其窮而運轉之蓋一舉手一投足之勞也然是物也負
其異於衆也且曰爛死於沙泥吾寧樂之若俛首帖耳
搖尾而乞憐者非我之志也是以有力者遇之熟視之

若無覩也其死其生固不可知也今又有有力者當其
前矣聊試仰首一鳴號焉庸詎知有力者不哀其窮而
忘其一舉手一投足之勞而轉之清波乎其哀之命也
其不哀之命也知其命而且鳴號之者亦命也 又
上考功崔虞部書曰愈不肖行能誠無可取抱愚守迷
固不識仕進之門迺與羣士爭名競得失行人之所甚
鄙求人之所甚利其為不可雖童昏實知之如執事者
不以為念援之幽窮之中推之高顯之上是知其文

之或可而不知其人之莫可也知其人之或可而不知其時之莫可也 又書曰蹈水火者之求免於人也不惟其父兄弟之慈愛然後生而全之也將有介於其側者雖其所憎怨苟不至乎欲其死者則將大其聲疾呼而望其人之救也 又釋言曰愈之親族鮮少無扳聯之勢於今不善交人無相先相死之友於朝無宿資蓄貨以釣聲勢 又與陳商書曰齊王好竽有求仕於齊者操瑟而往立王之門三年不得入叱曰吾瑟鼓之

能使鬼神上下客罵之曰王好竽而子鼓瑟瑟雖工其如王之不好何是所為工於瑟不工於求齊也 又荅元公瑾論仕進書曰獨不得與足下偕生中古之間進相援也退相拯也已乃出乎今世雖王林國韓長孺復生不能為足下抗手而進以取僂笑矧僕之齷齪者哉 柳宗元上李夷簡相公書曰宗元聞有行三塗之艱而墜千仞之下者仰望於道號以求出過之者日千百人皆去而不顧俄而有若鳥獲者持長綆千尋徐而過

焉其力足為也其器足施也號之而不顧顧而曰不能
力何也是時不可遇而幸遇而又不逮乎已然後知命
之窮勢之極其卒呼憤自斃不復望於上矣伏惟念墜
者之至窮錫烏獲之餘力舒千尋之綆垂千仞之艱致
其不可遇之遇以卒成其幸庶號而望者得畢其誠
又謝李吉甫相公示手札書曰昨者踴躍殘魂奮揚蓄
念激以死灰之氣陳其弊箒之詞致之烟霄分絕流盼
今則垂露在手清風入懷華袞濫褒於赭衣龍門俯收

於埴井 房魯上節度使書曰今之君侯垂金印結紫

綬處內則堂奧數仞侍婢娟然衣羅紈鳴珥環出聲態
者累百居外則戟列重扉介士毅然執弩矢擁鈇鉞俟
指令者數千君侯目視飛鴻氣如虹蜺而貢士布衣有
塵飢童無色蹇驢竭麾而來干謁誠志業不忤氣容自
若且有所望亦不能無愧其望非望飲醲齧肥被鮮曳
華指捷乘駿也所以望者蓋砥行立名之流非附青雲
之士焉得施於世其愧非愧布衣糲食飢童蹇驢也所

以愧者彼何人也予何人也 宋楊廷秀與湖北陳提

舉書曰僕與執事出處不齊如相避然寸心欲然至今
遺恨今乃欲以尺紙之敬抒中情之勤以納交於英蕩
之末光前無契好後無介紹或者以為驟一則野人一
則顯仕或者以為僭焉仰聞孔文舉與李元禮初無一
日雅而文舉遠引仲尼伯陽之交以為世契元禮然之
吾家德祖與公家孔璋同為子建之賓客非世契乎豈
曰驟之云乎張文潛與公家後山初不相識而以一書

空交所謂朝陽之光在袖久矣者其書云耳則僕之尺書豈曰僭之云乎太史公曰可為知者道難與俗人言也

增論隋盧思道勞生論曰朝露未晞小車盈董石之巷夕陽蚤落阜蓋填閭竇之里皆如脂如韋俯僂匍匐噉惡求媚舐痔自親美言諂笑助其餘樂詐泣佞哀恤其喪紀近通旨酒遠貢文蛇豔姬姜女妾如脫屣金銑玉華棄同遺跡

御定淵鑑類函卷三百十

謹案第六頁後七行并貢蓋地圖刊本蓋訛燕據

帝王世紀改

欽定四庫全書





總校官庶吉士臣張能照

校對官編修臣裴謙

謄錄監生臣金拔